

- или више њих, за све наведене врсте обрта (члан 11. став 2. и 3. овог правилника).
- (2) У записнику се морају дати кратка објашњења зашто су листићи важећи или неважећи.

Члан 25.

(Важећи гласачки листићи)

Важећи гласачки листићи пакују се у папирну коверту и записнички достављају координатору.

Члан 26.

(Резултати избора)

- (1) Након што прикупи резултате избора са свих гласачких мјеста, координатор избора сазива сједницу изборне комисије.
- (2) На сједници се расправља о свим изборним извјештајима, доноси коначни закључци, а потом о свему извјештавају надлежни органи обртничке коморе кантона, који коначне резултате објављују у јавности.
- (3) Побједили су они кандидати који су добили највећи број гласова.

**ПОГЛАВЉЕ VI - УЖИ ИЗБОР**

Члан 27.

(Ужи избор)

- (1) Ако предложени кандидат за избор не добије више од половине гласова, врши се ужи избор између 2 кандидата који су добили највише гласова. У случају да оба кандидата добију исти број гласова одлучује се извлачењем које организује координатор избора на састанку Управног одбора обртничке коморе кантона.
- (2) Избор кандидата се мора извршити у року од 30 (тридесет) дана од дана објављивања резултата избора од стране координатора избора. У том случају није потребно подношење нових изборних приједлога.

**ПОГЛАВЉЕ VII - ЖАЛБЕНИ ПОСТУПАК, ТРОШКОВИ ИЗБОРА**

Члан 28.

(Жалбе)

Жалбе о расподјели гласачких мјеста, именовану чланова изборне комисије и одлуке о одређивању изборних просторија рјешава Управни одбор обртничке коморе кантона. Право жалбе има само онај тко је гласао.

Члан 29.

(Трошкови избора)

Трошкове избора сnose обртничке коморе.

**ПОГЛАВЉЕ VIII - ПРЕЛАЗНЕ И ЗАВРШНЕ ОДРЕДБЕ**

Члан 30.

(Престанак важећег правилника)

Даном ступања на снагу овог правилника престаје да важи Правилник о изборној процедури у обртничким коморама кантона и Обртничкој комори Федерације Босне и Херцеговине ("Службене новине Федерације БиХ", број 47/09).

Члан 31.

(Ступање на снагу)

Овај правилник ступа на снагу наредног дана од дана објављивања у "Службеним новинама Федерације БиХ".

Број 08-02-48

16. фебруара 2015. године

Мостар

Министар

Др Сањин Халимовић, с. р.

Na osnovu člana 91. stava 3. Zakona o obrtu i srodnim djelatnostima ("Службене новине Федерације БиХ", br. 35/09 i 42/11), federalni ministar razvoja, poduzetništva i obrta donosi

**PRAVILNIK**

**O IZBORNOJ PROCEDURI U OBRТНИЧКИМ KOMORAMA KANTONA I OBRТНИЧКОЈ KOMORI FEDERACIJE BOSNE I HERCEGOVINE**

**POGLAVLJE I - OSNOVNE ODREDBE**

Član 1.

(Sadržaj)

Ovim pravilnikom propisuje se: vrijeme izbora, koordinator izbora i izborna komisija, izborno područje, raspodjela predstavnika u skupštinama obrtničkih komora, izborni prijedlozi, izbori, uži izbor kandidata, žalbeni postupak i troškovi provođenja izbora u obrtničkim komorama kantona i Obrtničkoj komori Federacije Bosne i Hercegovine (u daljem tekstu: Obrtničkoj komori F BiH).

**POGLAVLJE II - VRIJEME IZBORA, KOORDINATOR IZBORA I IZBORNA KOMISIJA**

Član 2.

(Period izbora)

- (1) Izbori za predstavnike u obrtničkim komorama kantona (u daljem tekstu: izbori) redovno se organizuju svake 4 (četiri) godine.
- (2) Odluku o raspisivanju izbora u obrtničkim komorama donosi Upravni odbor Obrtničke komore F BiH koja se objavljuje u "Службеним новинама Федерације БиХ" prije isteka mandata kako bi se osigurao kontinuitet u radu.
- (3) Odluka iz stavka (2) treba da sadrži: vremenski period u kome će se održati izbori u obrtničkim komorama kantona i način dostavljanja izbornih prijedloga.
- (4) Izbori se mogu organizovati i u vanrednim slučajevima, ako je to propisano statutom obrtničke komore kantona ili Statutom Obrtničke komore F BiH.

Član 3.

(Dan i vrijeme izbora)

- (1) Upravni odbor obrtničke komore u svom kantonu određuje dan izbora i vrijeme izbora.
- (2) Izbori se u pravilu održavaju nedjeljom ili praznikom, odnosno neradnim danom.

Član 4.

(Koordinator izbora)

Upravni odbor obrtničke komore kantona, kao svog predstavnika, imenuje koordinatora izbora, koji nema glasačko pravo i koji nije službenik obrtničke komore.

Član 5.

(Izborna komisija, obaveze i prava članova)

- (1) Upravni odbor obrtničke komore kantona, od ukupnog broja članova sa glasačkim pravom, imenuje u izbornu komisiju četiri člana i potreban broj njihovih zamjenika, od kojih polovina moraju imati glasačko pravo.
- (2) Koordinator izbora i imenovani članovi sačinjavaju izbornu komisiju, kojom predsjedava koordinator izbora.
- (3) Izborna komisija može odlučivati kada su, osim koordinatora izbora ili njegovog zamjenika, prisutna još najmanje dva člana. Izborna komisija odlučuje većinom glasova, a u slučaju izjednačenog broja glasova odlučuje glas koordinatora izbora.
- (4) Članovi i zamjenici izborne komisije obavezuju se koordinatoru izbora na nepristrasno i savjesno obavljanje svojih zadataka, kao i na čuvanje svih podataka koji im budu dostupni u toku obavljanja njihovog posla, a posebno na čuvanje tajne o izbornim rezultatima.
- (5) Zamjenik se angažuje u odsutnosti člana ili u slučaju njegovog opoziva.

- (6) Član Izborne komisije nema pravo na novčanu naknadu. Njemu se nadoknađuju novčani troškovi i troškovi izgubljenog vremena u visini koju odrede članovi skupštine obrtničke komore kantona.

#### Član 6.

(Zapisničar izborne komisije)

- (1) Na sjednici izborne komisije koordinator izbora imenuje zapisničara koji se obavezuje na nepristrasno i savjesno obavljanje dužnosti.
- (2) Zapisničar nema glasačko pravo i ne pripada članovima sa glasačkim pravom u skladu sa članom 4. ovog pravilnika.

#### Član 7.

(Sjednice Izborne komisije)

- (1) Mjesto i vrijeme sjednice izborne komisije određuje koordinator izbora. Članovi i zapisničar pozivaju se na sjednice.
- (2) Izborna komisija odlučuje na javnim sjednicama.
- (3) Sjednice su javne kada je ranijim oglasom na ulazu zgrade u kojoj se održavaju sjednice oglašeno vrijeme, mjesto i predmet sjednice, uz uputstvo da je dozvoljeno prisustvovanje članova skupštine sa glasačkim pravom.

### POGLAVLJE III - IZBORNO PODRUČJE I RASPODJELA PREDSTAVNIKA U SKUPŠTINI OBRTNIČKE KOMORE

#### Član 8.

(Izorno područje)

- (1) Područja koja obuhvaćaju kantone predstavljaju izborna područja obrtničkih komora kantona, putem kojih se vrše izbori u Obrtničkoj komori F BiH.
- (2) Na izbornom području obrtničkih komora kantona izbori se mogu organizirati na više glasačkih mjesta o čemu odlučuje upravni odbor.

#### Član 9.

(Raspodjela predstavnika)

U cilju raspodjele mandata predstavnika u skupštini, obrtničke komore kantona i Obrtničke komore F BiH će svojim statutima propisati broj članova skupštine vodeći računa o privrednim specifičnostima i značaju pojedinih djelatnosti.

### POGLAVLJE IV - IZBORNI PRIJEDLOZI

#### Član 10.

(Prikupljanje izbornih prijedloga)

Koordinator izbora najkasnije 3 (tri) mjeseca prije dana izbora, objavljenog od strane nadležnih organa obrtničke komore, treba zatražiti predaju izbornih prijedloga i nakon njihovog prikupljanja objaviti ih na oglasnoj ploči i web stranici obrtničke komore kantona i Obrtničke komore F BiH.

#### Član 11.

(Sadržaj izbornih prijedloga)

- (1) Izborni prijedlog važi za jedno izorno područje.
- (2) Izborni prijedlog je na jednom glasačkom listiću i sadrži: predstavnike obrtnika koji obavljaju vezane i posebne obrte, predstavnike obrtnika koji obavljaju tradicionalne i stare zanate i predstavnika lica koja obavljaju srodne djelatnosti, vodeći računa o privrednim specifičnostima i značaju pojedinih djelatnosti i zastupljenosti pojedinih vrsta obrta u izbornom području.
- (3) Broj kandidata za izbor predstavnika obrtnika koji obavljaju vezane i posebne obrte, predstavnika obrtnika koji obavljaju tradicionalne i stare zanate i predstavnika lica koja obavljaju srodne djelatnosti mora, u skladu sa članom 8. ovog pravilnika, odgovarati odredbama propisanim statutom obrtničke komore kantona.

#### Član 12.

(Način izbora u Obrtničkoj komori F BiH)

- (1) Obrtnička komora kantona iz redova svoje Skupštine imenuje potreban broj predstavnika za Skupštinu u Obrtničkoj komori F BiH.
- (2) Obrtnička komora kantona predlaže svoje predstavnike za izbor tijela u Obrtničkoj komori F BiH.
- (3) Obrtničke komore kantona za predložene osobe moraju dostaviti potvrdu da su članovi komore, te da prihvataju kandidaturu za tijela u Obrtničkoj komori F BiH.
- (4) Izborni prijedlog dostavlja se u obliku liste i mora sadržavati onoliki broj imena kandidata, koliko se članova i zamjenika bira u izbornom području u skladu sa Statutom Obrtničke komore F BiH.

#### Član 13.

(Kandidati iz izbornih prijedloga)

- (1) Kandidati za člana (predstavnika) ili zamjenika člana (predstavnika) u skupštini Obrtničkoj komori F BiH moraju dati tačne slijedeće podatke:
  - a) ime,
  - b) prezime,
  - c) vrsta obrta ili srodna djelatnost,
  - d) zanimanje,
  - e) mjesto stanovanja i
  - f) tačnu adresu,
 tako da ne postoji nikakva sumnja ili zabuna u identitet kandidata.
- (2) Iz izbornih prijedloga jasno se mora vidjeti ko je predložen za člana, a ko za zamjenika.
- (3) Kod predlaganja dva zamjenika, u prijedlogu se mora tačno naznačiti ko je predložen za prvog, a ko za drugog zamjenika, i to tako da ne postoji nikakva sumnja ili zabuna u redosljed kandidata za zamjenike.

#### Član 14.

(Potpisnici izbornih prijedloga)

- (1) Svaki izborni prijedlog mora biti potpisan od najmanje dvostrukog broja obrtnika ili lica koja obavljaju srodne djelatnosti u odnosu na broj mjesta koja oni zauzimaju u skupštini obrtničke komore kantona.
- (2) Potpisnici izbornog prijedloga moraju prilikom potpisivanja pored imena i prezimena navesti i svoje zanimanje, mjesto i adresu stanovanja, a njihovi potpisi moraju biti čitki.

#### Član 15.

(Dostavljanje izbornih prijedloga)

Izborni prijedlozi moraju biti dostavljeni koordinatoru izbora najkasnije 30 (trideset) dana prije oglašenog dana izbora.

#### Član 16.

(Prilozi uz izborne prijedloge)

Sa svakim izbornim prijedlogom mora se dostaviti:

1. Izjava kandidata da je saglasan sa stavljanjem njegovog imena na izborni prijedlog,
2. Potvrda obrtničke komore kantona da kandidat ispunjava uslove:
  - a) ako se radi o obrtniku, u smislu člana 16. stav (1) Zakona o obrtu i srodnim djelatnostima,
  - b) ako se radi o licu koje obavlja srodnu djelatnost, u smislu člana 48. stav (2) Zakona o obrtu i srodnim djelatnostima,
3. Potvrda obrtničke komore kantona da su potpisnici izbornog prijedloga njezini članovi.

## Član 17.

(Neispravnost izbornih prijedloga)

Ako izborni prijedlozi imaju nedostatke, Koordinator izbora dužan je otkloniti uočene nedostatke u saradnji sa potpisnicima izbornih prijedloga.

## Član 18.

(Prihvatanje izbornih prijedloga)

- (1) Izborna komisija odlučuje o prihvatanju izbornih prijedloga najkasnije 21 (dvadeset i jedan) dan prije izbora.
- (2) Ako izborni prijedlozi nisu u skladu sa odredbama ovog pravilnika ili nisu ispoštovani propisani rokovi za njihovo podnošenje takvi izborni prijedlozi ne mogu se prihvatiti.
- (3) Nakon što se utvrde svi izborni prijedlozi oni se naknadno ne mogu mijenjati.

## Član 19.

(Objavljivanje izbornih prijedloga)

Koordinator izbora, u skladu sa članom 10. ovog pravilnika, objavljuje prihvaćene izborne prijedloge najkasnije 15 (petnaest) dana prije izbora i objavljuje na oglasnoj ploči obrtničke komore i na drugi način utvrđen statutom obrtničke komore kantona.

**POGLAVLJE V - IZBORI**

## Član 20.

(Birački spiskovi)

- (1) Glasati može samo onaj koji je upisan u birački spisak.
- (2) Uvid u biračke spiskove dozvoljen je samo licima sa pravom glasa.
- (3) Ako lice iz stava (2) ovog člana smatra birački spisak nepotpunim i netačnim ima pravo žalbe, pismenim putem, nadležnim službama obrtničke komore, u roku od 5 (pet) dana od dana objavljivanja biračkog spiska.
- (4) Izborna komisija mora donijeti odluku po žalbi prije izbora i o toj odluci se obavještavaju učesnici izbora.
- (5) Ako je rok za donošenje odluke istekao, glasač može glasati samo ako je blagovremeno uložio žalbu. U protivnom se briše sa biračkih spiskova.
- (6) Ako dođe do ispravke biračkih spiskova, razlozi za ispravku navode se u kolonu "PRIMJEDBE - NAPOMENE". Sve promjene se unose kao naknadni unos.
- (7) Birački spiskovi se ažuriraju do samog dana izbora.
- (8) Birački spiskovi se nakon izbora predaju koordinatoru izbora.

## Član 21.

(Pravo glasa)

- (1) Glasati mogu samo lica koja imaju glasačko pravo, a u skladu sa članom 20. ovog pravilnika i koja su legitimisana.
- (2) Ako je obrtnik ili lice koje obavlja srodnu djelatnost privremeno obustavio obavljanje djelatnosti, glasati može samo uz predočavanje rješenja nadležnog organa o privremenom obustavljanju obavljanja djelatnosti.
- (3) Glasaci koji ne mogu prisustvovati glasanju nemaju pravo poslati zamjenu, niti glasati pismenim putem.

## Član 22.

(Procedura glasanja)

- (1) Svi koji imaju pravo glasa mogu ući u prostorije gdje se odvija glasanje. U tim prostorijama ne smiju se držati nikakvi govori.
- (2) Glasanje je tajno.
- (3) Izborna komisija odstranjuje iz prostorija gdje se odvija glasanje sva lica koja uzrokuju ometanje rada, red i mir, a ako se radi o glasaču omogućava mu se da ispuni svoje glasačko pravo prije odstranjivanja.
- (4) Predsjedavajući izborne komisije kontrolira proceduru glasanja i uspostavlja red u slučajevima gužve na ulazu u prostorije gdje se odvija glasanje.

- (5) Pri ulasku u prostorije gdje se odvija glasanje, glasač dolazi do stola izborne komisije, te se čitko potpisuje pored svoga imena i prezimena.

## Član 23.

(Zapisnik o izbornom procesu)

Po završetku glasanja izborna komisija je dužna obavijestiti koordinatora izbora o toku izbornog procesa prilažući zapisnik o izbornom procesu.

## Član 24.

(Nevažeci glasački listići)

- (1) Glasački listići su nevažeci:
  - a) ako nisu izdati od nadležne službe obrtničke komore kantona;
  - b) ako je glasački listić nepravilno popunjen ili na glasačkom listiću nije zaokružen predstavnik ili više njih, za sve navedene vrste obrta (član 11. stav 2. i 3. ovog pravilnika).
- (2) U zapisniku se moraju dati kratka objašnjenja zašto su listići važeći ili nevažeci.

## Član 25.

(Važeći glasački listići)

Važeći glasački listići pakuju se u papirnu kovertu i zapisnički dostavljaju koordinatoru.

## Član 26.

(Rezultati izbora)

- (1) Nakon što prikupi rezultate izbora sa svih glasačkih mjesta, koordinator izbora saziva sjednicu izborne komisije.
- (2) Na sjednici se raspravlja o svim izbornim izvještajima, donose konačni zaključci, a potom o svemu izvještavaju nadležni organi obrtničke komore kantona, koji konačne rezultate objavljuju u javnosti.
- (3) Pobjedili su oni kandidati koji su dobili najveći broj glasova.

**POGLAVLJE VI - UŽI IZBOR**

## Član 27.

(Uži izbor)

- (1) Ako predloženi kandidat za izbor ne dobije više od polovine glasova, vrši se uži izbor između 2 kandidata koji su dobili najviše glasova. U slučaju da oba kandidata dobiju isti broj glasova odlučuje se izvlačenjem koje organizuje koordinator izbora na sastanku Upravnog odbora obrtničke komore kantona.
- (2) Izbor kandidata se mora izvršiti u roku od 30 (trideset) dana od dana objavljivanja rezultata izbora od strane koordinatora izbora. U tom slučaju nije potrebno podnošenje novih izbornih prijedloga.

**POGLAVLJE VII - ŽALBENI POSTUPAK, TROŠKOVI IZBORA**

## Član 28.

(Žalbe)

Žalbe o raspodjeli glasačkih mjesta, imenovanju članova izborne komisije i odluke o određivanju izbornih prostorija rješava Upravni odbor obrtničke komore kantona. Pravo žalbe ima samo onaj tko je glasao.

## Član 29.

(Troškovi izbora)

Troškove izbora snose obrtničke komore.

**POGLAVLJE VIII - PRIJELAZNE I ZAVRŠNE ODREDBE**

## Član 30.

(Prestanak važećeg pravilnika)

Danom stupanja na snagu ovog pravilnika prestaje da važi Pravilnik o izornoj proceduri u obrtničkim komorama kantona i

Obrtničkoj komori Federacije Bosne i Hercegovine ("Službene novine Federacije BiH", broj 47/09).

Član 31.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Federacije BiH".

Broj 08-02-48

16. februara 2015. godine  
Mostar

Ministar

Dr. **Sanjin Halimović**, s. r.

## USTAVNI SUD FEDERACIJE BOSNE I HERCEGOVINE

### 245

Ustavni sud Federacije Bosne i Hercegovine, odlučujući o ustavnom pitanju koje mu je predočio Kantonalni sud u Sarajevu, u svezi s utvrđivanjem ustavnosti odredaba čl. 4. i 9., članka 10. stavak 1. i članka 27. Zakona o porezu na dohodak, na temelju članka IV.C.3.10.(4) Ustava Federacije Bosne i Hercegovine, nakon javne rasprave, na sjednici održanoj dana 09.12.2014. godine, donio je

### PRESUDU

Utvrđuje se da odredbe čl. 4. i 9., članka 10. stavak 1. i članka 27. Zakona o porezu na dohodak ("Službene novine Federacije BiH", br. 10/08, 9/10, 44/11, 7/13 i 65/13), nisu u nesuglasnosti sa Ustavom Federacije Bosne i Hercegovine.

Presudu objaviti u "Službenim novinama Federacije BiH" i "Službenim novinama Kantona Sarajevo".

### Obrazloženje

#### 1. Podnositelj zahtjeva i predmet zahtjeva

Kantonalni sud u Sarajevu predočio je Ustavnom sudu Federacije Bosne i Hercegovine (u daljnjem tekstu: Ustavni sud Federacije) dana 08.04.2014. godine ustavno pitanje koje se odnosi na utvrđivanje ustavnosti čl. 4. i 9., članka 10. stavak 1. i članka 27. Zakona o porezu na dohodak (u daljnjem tekstu: osporene odredbe Zakona). Kantonalni sud u Sarajevu je ovo ustavno pitanje predočio na temelju ovlaštenja iz članka IV.C.3.10.(4) Ustava Federacije Bosne i Hercegovine, a nakon odluke Ustavnog suda Bosne i Hercegovine broj: AP-2840/13 od 12.02.2014. godine.

#### 2. Stranke u postupku

Stranke u postupku u ovom predmetu su, na temelju članka 39. stavak 2. Zakona o postupku pred Ustavnim sudom Federacije Bosne i Hercegovine ("Službene novine Federacije BiH", br. 6/95 i 37/03), Kantonalni sud u Sarajevu, Katarina Tomić iz Vareša, ulica Zvijezda 37., Kanton Sarajevo, te Zastupnički dom i Dom naroda Parlamenta Federacije Bosne i Hercegovine, kao donositelji Zakona čije su odredbe osporene.

#### 3. Bitni navodi na kojima se zasniva ustavno pitanje

Općinski sud u Sarajevu je svojom presudom od 28.02.2013. godine (broj: 65 0 Rs 263733 12 Rs) obvezao tuženika, Kanton Sarajevo, da tužiteljici Katarini Tomić, sutkinji Kantonalnog suda u Sarajevu, isplati iznos od 5.196,07 KM, sa pripadajućim zateznim kamatama, a na ime umanjnja plaće tužiteljici nastalo akontativnom naplatom poreza na dohodak kako je to propisano osporenim Zakonom, počevši od plaće za mjesec svibanj 2009. godine, pa zaključno sa plaćom za mjesec prosinac 2011. godine, što je po mišljenju tužiteljice i po ocjeni prvostupajnskog suda, protivno zaštitnim odredbama o plaćama sudaca iz Amandmana LX i CVI na Ustav Federacije Bosne i Hercegovine.

Postupajući u drugom stupnju, po žalbi tuženika, Kantona Sarajevo, Kantonalni sud u Sarajevu je donio 05.06.2013. godine

odluku (broj: 65 0 Rs 263733 13 Rsž), kojom je žalba tuženika odbijena kao neutemeljena, a prvostupajnska presuda potvrđena.

Tuženik je potom, protiv drugostupajnske presude uložio apelaciju Ustavnom sudu Bosne i Hercegovine, koji je svojom odlukom od 12.02.2014. godine broj AP-2840/13 ukinuo drugostupajnsku presudu i vratio predmet drugostupajnskom sudu na ponovno odlučivanje.

U tom, ponovljenom postupku, Kantonalni sud u Sarajevu je 14.03.2014. godine donio rješenje o prekidu postupka broj: 65 0 Rs 263733 14 Rsž 2 i uputio ovom Sudu zahtjev za ocjenu ustavnosti osporenih odredbi Zakona.

U zahtjevu se navodi da je tuženik, Kanton Sarajevo, umanjivao plaće sudaca primjenom osporenih članaka Zakona, što nije sukladno Zakonu o plaćama i drugim naknadama sudaca i tužitelja u Federaciji Bosne i Hercegovine ("Službene novine Federacije BiH", br. 72/05, 22/09 i 55/13). Kantonalni sud u Sarajevu u navedenoj pravnoj stvari, rješavajući, u ponovljenom postupku po žalbi tuženika protiv presude Općinskog suda u Sarajevu, broj: 65 0 Rs 263733 12 Rs od 28.02.2013. godine, a nakon odluke Ustavnog suda Bosne i Hercegovine, broj AP-2840/13 od 12.02.2014. godine, donio je rješenje kojim postupak u ovoj pravnoj stvari prekida do okončanja postupka pred Ustavnim sudom Federacije o utvrđivanju ustavnosti osporenih članaka Zakona. Prvostupajnskom presudom je prihvaćen tužbeni zahtjev tužiteljice da joj se na temelju umanjnja plaće, počevši od svibnja 2009. godine pa zaključno sa plaćom za prosinac 2011. godine isplati spomenuti iznos, sa zakonskim zateznim kamatama, kako je to specificirano u spomenutoj presudi. Tuženik, Kanton Sarajevo, je protiv prvostupajnske presude uložio žalbu, koju je Kantonalni sud u Sarajevu odbio i potvrdio prvostupajnsku presudu svojom presudom broj: 65 0 Rs 263733 13 Rsž od 05.06.2013. godine. Protiv navedene presude Kantonalnog suda u Sarajevu, tuženik je uložio apelaciju Ustavnom sudu Bosne i Hercegovine, koji je donio odluku broj: AP-2840/13 od 12.02.2014. godine, kojom se ukida drugostupajnska presuda i predmet vraća Kantonalnom sudu na ponovni postupak. Kantonalni sud u Sarajevu navodi da Ustavni sud Bosne i Hercegovine u navedenoj odluci smatra da su redovni sudovi u parničnom postupku radi naknade razlike plaća, izašli izvan okvira svoje stvarne nadležnosti i bavili se ocjenom suglasnosti Zakona o porezu na dohodak sa Ustavom Federacije Bosne i Hercegovine. Iz navedenih razloga Kantonalni sud u Sarajevu je, nakon spomenute odluke Ustavnog suda Bosne i Hercegovine, na sjednici održanoj dana 14.03.2014. godine donio rješenje o prekidu postupka u navedenoj pravnoj stvari i predočio ustavno pitanje Ustavnom sudu Federacije, a koje se odnosi na utvrđivanje ustavnosti osporenih članaka Zakona, imajući u vidu odredbe članka IV.C.7. stavak 3., zatim članka V.4.11. i članka VI. 7. stavak 4. Ustava Federacije Bosne i Hercegovine.

#### 4. Bitni navodi odgovora na zahtjev

Kako su, temeljem članka 39. stavak 2. Zakona o postupku pred Ustavnim sudom Federacije Bosne i Hercegovine, stranke u ovom postupku sve strane u sudskom postupku povodom kojeg je ustavno pitanje predočeno ovom Sudu, te Zastupnički dom i Dom naroda Parlamenta Federacije Bosne i Hercegovine, kao donositelji Zakona čije su odredbe osporene, slijedom odredbe članka 16. istog Zakona, Ustavni sud Federacije je pozvao stranke da dostave odgovore na zahtjev, a što je u ostavljenom roku učinio samo Kanton Sarajevo, dana 20.06.2014. godine.

U odgovoru na zahtjev, što ga je na poziv Ustavnog suda Federacije, a putem Kantonalnog pravobraniteljstva u Sarajevu dostavio Kanton Sarajevo, najprije se ukazuje na dio obrazloženja spominjane odluke Ustavnog suda Bosne i Hercegovine u kojem taj Sud konstatira "da niti jednom odredbom Zakona o porezu na dohodak nije predviđena